

Na osnovu Zakona o igrama na sreću ("Sl. novine FBiH", br. 48/2015 i 60/2015), Pravilnika o sadržaju pravila, uslovima i načinu privredivanja nagradnih igara ("Sl. novine FBiH", br. 30/2016, 63/2019, 92/2020 i 12/2022), te u skladu sa Rješenjem UP-05-12-1-197/23 od 3.3.2023. godine, izdatim od strane Federalnog ministarstva finansija, kompanija McCANN d.o.o. Sarajevo u ime klijenta UniCredit Bank d.d., objavljuje:

PRAVILA NAGRADNE IGRE

I. UVODNE ODREDBE

Član 1
McCANN d.o.o. Sarajevo sa sjedištem na adresi Marka Marulića 2, 71000 Sarajevo, JIB: 4200130360002 (u daljem tekstu: „Organizator”) u ime klijenta UniCredit Bank d.d. sa sjedištem u ulici Kardinala Stepinca bb, 88 000 Mostar, JIB: 4227162980008 (u daljem tekstu: „Banka”) organizuje nagradnu igru za fizička lica – klijente Banke koji vrše plaćanja UniCredit Mastercard karticama (u daljem tekstu: „Nagrada igra”) na teritoriji Federacije Bosne i Hercegovine. Naziv Nagradne igre je „UniCredit i Mastercard vas nagrađuju”.

II. SVRHA NAGRADNE IGRE

Član 2
Nagradna igra se sprovodi i organizira u svrhu promoviranja usluge kartičnih plaćanja Mastercard karticama i m-karticom UniCredit Bank.

III. TRAJANJE I NAČIN SUDJELOVANJA

Član 3
Nagradna igra traje od 25.03.2023. (00h) godine do 25.04.2023. godine (24h). Pravo na učešće u Nagradnoj igri ostvaruje svako fizičko lice-klijent Banke, koje u periodu trajanja Nagradne igre izvrši minimalno jedno (1) plaćanje na fizičkom ili internet prodajnom mjestu u zemlji ili inostranstvu, u minimalnom iznosu od 10,00 KM (slovima: deset konvertibilnihmaraka), koristeći UniCredit Mastercard karticu ili uslugu plaćanja m-karticom (beskontaktno plaćanje mobitelom na POS uređajima). Transakcije koje će biti isključene iz nagrađivanja su one koje pripadaju jednoj od u nastavku definisanih kategorija kako slijedi: sve transakcije: kladenja; slanja novca u i van zemlje; isplate novca na šalteru ili bankomatu; platnih naloga u bilo kojoj valuti; trovanja vrijednosnim papirima. Nagradna igra se odvija na teritoriji Federacije Bosne i Hercegovine.

IV. NAGRADNI FOND

Nagrada	Broj nagrada	Jedinična vrijednost KM	Total vrijednost u KM
Putovanje na finale UEFA Champions League za dvije osobe	1	18.384,80	18.384,80
Poklon vaučer Sport Vision	20	200,00	4.000,00
			Total 22.384,80

Nagradni fond sastoji se od jedne (1) glavne nagrade i dvadeset (20) dodatnih nagrada.

Glavna nagrada - putovanje na finale UEFA Champions League - paket se sastoji od dvije ulaznice na UEFA* CHAMPIONS LEAGUE finalni meč - kategorije 1, dvije avionske karte na relaciji Sarajevo-Istanbul-Sarajevo, hotelskog smještaja - polupansion za dvije osobe, te džeparca u iznosu od 300 KM, koji će biti isplaćen na Mastercard dopunjivoj kartici bez mogućnosti podizanja gotovine. Dodatne nagrade - 20 nagradnih vaučera u vrijednosti od po 200 KM za kupovinu sportske opreme u poslovnicama "SPORT VISION" d.o.o. Bijeljina. Broj nagrada je ograničen i ni u kom slučaju neće biti dodijeljeno više nagrada od broja predviđenog ovim pravilima. *UEFA zadržava pravo promijeniti lokaciju u slučaju više sile, uz odobrenje nadležnog organa.

V. NAČIN IZVLAČENJA I OBJAVLJIVANJA DOBITNIKA NAGRADA

Član 5
Osobe koje ispune uslove za sudjelovanje u Nagradnoj igri, automatski ulaze u jedinstvenu bazu podataka na osnovu koje će se kompjuterskim putem izvući dobitnik nagrada. Izvlačenje dobitnika Nagradne igre održat će se 4.5.2023. godine u prostorijama Banke u 12 sati, uz nadzor tročlane Komisije (dalje u tekstu "Komisija") sastavljene od jednog predstavnika Banke, jednog predstavnika Organizatora i notara. Prvo se vrši izvlačenje glavne nagrade, a potom dodatne nagrade. Nakon toga se vrši izvlačenje alternativnih dobitnika za sve nagrade. Komisija će sastaviti Zapisnik o podacima dobitnika i toku javnog izvlačenja, koji ima službeno i obavezujuće značenje za sva lica koja su učestvovala u Nagradnoj igri. Rezultati izvlačenja biti će objavljeni na web stranici Banke.

Član 6
Rezultati dodjele nagrada su konačni. Na rezultate nije moguće uložiti žalbu. Ako su glavni dobitnici naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u Nagradnoj igri, pristupa se dodjeli nagrada rezervnim dobitnicima nagrada. Ukoliko su i rezervni dobitnici naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u Nagradnoj igri, Organizator zadržava pravo ne dodijeliti nagradu istima.

VI. OGRANIČENJA

Član 7
Radnici Banke i Organizatora, osobe koje su izravno uključene u pripremu Nagradne igre ili izvlačenje dobitnika, te ostale osobe koje imaju pristup podacima vezanim za Nagradnu igru ne mogu sudjelovati u Nagradnoj igri.

Jedan učesnik može osvojiti samo jednu nagradu u Nagradnoj igri.

Potpisivanjem Zapisnika/Saglasnosti o preuzimanju nagrade od strane dobitnika, prestaju sve obaveze Organizatora/Banke prema tom dobitniku u Nagradnoj igri.

Niti jedna nagrada predviđena Nagradnom igrom se ne može zamijeniti za novac, drugu nagradu, robu ili uslugu. Međutim, u slučaju otkazivanja UEFA CHAMPIONS LEAGUE finalnog meča - kategorije 1, dobitniku će se ponuditi druge nagrade umjesto putovanja na UEFA CHAMPIONS LEAGUE finale, slične vrijednosti, a o čemu će Organizator i Banka naknadno donijeti odluku.

VII. OBAVJEŠTENJE DOBITNIKA, ROK I MJESTO PREUZIMANJA NAGRADA

Član 8
Dobitnici nagrada će o rezultatima Nagradne igre biti obaviješteni u roku od 8 dana od izvlačenja dobitnika, te po primitku obavještenja imaju rok za preuzimanje nagrada propisan članom 14. Pravilnika. Nakon isteka roka dobitnik gubi pravo na nagradu, u kojem slučaju će ista biti dodijeljena rezervnom dobitniku. Dobitnici nagrada će telefonskim putem biti obaviješteni o načinu i mjestu preuzimanja nagrada.

Korisnik koji bude izvučen kao dobitnik će biti lično kontaktiran, te će mu biti omogućeno da potpiše Zapisnik/Saglasnost o preuzimanju nagrade i korištenju ličnih podataka u nagradnoj igri, te da njegovi osobni podaci budu objavljeni kako je opisano u ovim Pravilima.

Kod preuzimanja nagrade dobitnik je dužan potvrditi svoj identitet svojom ličnom kartom.

Dostava nagrade „poklon vaučer Sport Vision” se može izvršiti preporučenom pošiljkom, po osnovu pisane saglasnosti dobitnika nagrade za prijem iste. Organizator ne snosi troškove preuzimanja nagrada.

VIII. USLOVI PREKIDA NAGRADNE IGRE

Član 9
Organizator će prekinuti Nagradnu igru u slučaju da prije ili u periodu trajanja Nagradne igre nastupe okolnosti sa karakterom više sile, odnosno one okolnosti koje Organizator ne može predvidjeti, niti otkloniti, a takve okolnosti imaju ili bi mogle imati negativan utjecaj na poslovanje Organizatora ili Banke. U slučaju ovakvih okolnosti, Organizator će putem dnevnih novina obavijestiti učesnike, uz prethodnu saglasnost nadležnog organa, o prekidu Nagradne igre.

Član 10
Organizator ima pravo da uz javno obavješćavanje jednostrano otkáže Nagradnu igru u bilo kojoj fazi ukoliko ustanovi da je došlo do materijalne povrede ili zlouporabe Pravila nagradne igre. U slučaju otkazivanja ili prekida Nagradne igre neće se nadoknadivati eventualni troškovi učesnika Nagradne igre ili eventualna šteta učesnicima u Nagradnoj igri, niti će se Nagradna igra održati.

Član 11
Porez na dohodak od nagrada snosit će Organizator.

Član 12
Svi učesnici će biti upoznati s Pravilima nagradne igre putem web stranice Banke i dnevnih novina u kojima će Pravila biti objavljena. Sudjelovanjem u Nagradnoj igri učesnici prihvataju pravila i obaveze iz ovih Pravila.

Član 13
Učesnici svojim sudjelovanjem u Nagradnoj igri neopozivo prihvajući da je Banka ovlaštena koristiti njihovo ime i prezime, e-mail adresu i ostale podatke vezane uz učesnike, bez ikakvih nadoknada, u svrhu javnog obavještenja o rezultatima Nagradne igre i dostave nagrade.

Član 14
Sve sporove koji eventualno nastanu u vezi sa ovim Pravilima strane će prvenstveno nastojati riješiti sporazumno, a ukoliko to ne bude moguće, određuje se mjesna nadležnost stvarno nadležnog suda prema sjedištu Banke.

Član 15

Ova pravila se primjenjuju po dobijanju suglasnosti Federalnog ministarstva finansija.

